



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1861

XXVI. Otto Lossow zu Biesenthal und seine Söhne verkaufen vor dem Rathe zu Frankfurt dem Karthäuser-Kloster daselbst das Dorf Arnsdorf mit dem von Matthias Uchtenhagen erworbenen Holze Ganyn, am 31. ...

Nutzungsbedingungen

[urn:nbn:de:hbz:466:1-55508](https://nbn-resolving.org/urn:nbn:de:hbz:466:1-55508)

XXVI. Otto Loffow zu Biesenthal und seine Söhne verkaufen vor dem Rathe zu Frankfurt dem Karthäuser-Kloster daselbst das Dorf Arnsdorf mit dem von Matthias Uchtenhagen erworbenen Holze Gannyn, am 31. Mai 1424.

Ik otto loffow, tu desser tyd wonastig thu Bifsdael. Bekenne —, dat ik mit wolberaden mude vnbetwungen met willen vnd sulbort myner rechten eruen hebbe verkofft vnd verkope met Crafft desses briues eines rechten ewigen kopes den geistliken herren Carthusen vnd oren Nakomelingen vor franckenforde, In dem Bishopdome lubus gelegen, dat gancze dorp Arnsdorpe, In dessen vorgnanten Bishopdohme tuschen wilmerstorpe vnd heinrichstorpe gelegen, gantz vnd gar, met allen sinen grenitzen, gerechtigkeit vnd tubehorungen, bynnen vnd buten dem dorpe, In holte, In felde, In watere, In weide, In grafe vnd wat darthu horen mach, met dem gerichte hogeste vnd nederste, dar nicht vtgenomen, Als ik dat van dem Irluchten hochgeborn fursten vnd herren, hern fredericke, Marggreue thu Brandenburg, des heiligen Romischen Rikes erczkamerer vnd Borggreuen thu Nurenberge, mynen gnedigen heren, thu lehne gehat hebbe vnd deme thu der vorgnanten Carthuser behueff vpgegeuen vnd verlaten hebbe, als recht is, vor achtebundert vnd achte vnd virtig schok bemfcher grosschen. Ouk hebbe ik en besunderen darthu verkofft dat holt, geheiten die Gannyn, gelegen by dem vorgnanten Arnsdorpe, met allen sinen grenitzen, thugehorungen vnd gerechtigheiden, als ik dat van her Mattias uchtenhagen gekofft vnd na beseten hebbe, dar nicht vtgenomen, vor hundert vnd vieff vnd virtich schok groschen bemfcher munte. Desse vorbenumde Summe geildes, beide vor dorp vnd holt, hebben my die ergenanten Carthufere met redem geilde gantz vnd al wol thu dancke betalet, der Ik sy qwyd vnd lofs late vor my vnd myne eruen met Crafft desses briues. Dit vorbenante dorp met dem kerkehne vnd holte met aller thubehorunge hebbe ik vt myner were gelaten, als recht is, Also dat ik vnd myne eruen dar neynerleie rechtigeit odir ansprake an beholden, vnd hebbe die met allen oren grenitzen, rechtigeiden vnd thubehorungen, als vorgeschreuen is, vnuerworren Den ergenanten Carthusen In ore brukende eigentlike were geantwerdet, als en ouk dat myn vorgeante gnedige here luterliken dorch got vnd vmme ores Innigen gebedes willen geeigent vnd gefriet hefft, vnd Ik vnd myne eruen scholen vnd willen desses vorgeschreuen kopes, gudere vnd gerechtigheit ore rechte weren wesen, als were recht is, on geuerde. Desse vorgeschreuen koep vnd stucke syn geschien In iegenwardicheit der Erfamen Borgermeister vnd Radmanne der vorgeschreuen Stad Franckenforde, desser vorgeantanten Carthuser stifter vnd vorstender, vnd ouk anderer fromen lude, die darby vnd ouer gewesen sint. Desses thu orkunde vnd wissenheit hebbe Ik myn Ingefegel vor my vnd myne eruen met hanfes vnd otten, myner sone, Ingefegele witliken an dessen brieff hengen laten. Vortmehr wy hans vnd Otte, bruder, geheiten die loffowe, desses vorgeantanten otten sone, Bekennen openbar In dessen soluen briue, dat desse vorgeschreuen koep vnd verlatunge is geschien met vnser vulborden vnd guden willen, vnd wy vnd vnser eruen scholen vnd willen alle vorgeschreuen stucke vnd artikele desses briues den ergenanten Carthusen vnd oren nakomelingen stede vnd vaste holden, ane alle arg odir hulperede. Vnd hebben thu orkunde vnd wissenheit vnser Ingefegele ouk laten hengen an dessen brieff by vnser vader Ingefegel, Die gegeuen is thun Berlin, Na Cristis gebort

virteinhundert Jhar, darna In dem vir vnd twintigsten Jharen, am auende vnfers heren hemmelfart.

Nach dem Copialbuche des Karthäuser-Klosters, No. 6.

Anmerkung. Dieser Kaufbrief ist vier Jahr nach der darüber schon ertheilten Churfürstlichen Bestätigung (1420) angefertigt, vermuthlich, damit die Söhne Otto Loffow's inzwischen zu ihren Jahren kommen möchten.

XXVII. Ritter Hasso von Bredow, Probst Siegfried Saß zu Berlin, des Churfürsten Küchenmeister, Conrad Ebe, und der Bürgermeister zu Berlin, Koppe Nabel, bekennen, daß vor ihnen im Gericht Peter Karutz aus Müncheberg den Karthäusern zu Frankfurt seine Briefe über sieben Hufen Landes in der Feldmark zu Arnsdorf übergeben habe, am 26. Juni 1424.

Wy haffe van Bredow, Ridder des Irluchten, hochgeborn forsten vnd herren, hern fridrich, Marggrauen thu brandenborch, Sigefryd sak, prouest thum Berlin, Cunrad ebe, des gnanten myns gnedighen heren kokemeyster, vnde Coppen nabel, Borgermeister thum Berlin, Bekennen oppenbar met dessem briue vor allen den, dy en sehen odir horen lezen, dat vor vns is gekomen, als vor gerichte, peter karutz, wonhaftig tho mönkeberge, Anna, syne eelike husfrowe, vnd gegorius, orer dachter man, vnd antwerden vns met gudem willen vnd lachenden munde thu der herren hant, des Carthusers orden, vor franckenford gelegen, alle dy briue, dy sy hadden van den van hakenborne vppe souen huuen landes myt alle orre thubehorunghe, dy sye In ansprake gehath hadden in dem dorpe vnnnd vpper veltmarken Arnstorppe, als vnse vorgeschreuen gnedige herre tusschen Otto loffowen vnd en gedingt hadde, vnd sye spreken thu vns, dat sye vp de vorgeschreuen sonen hufen vnd ansprake neyne brife mehr hedden. Ok bekanden sye don seluens vor vns vnd vor anderen vnser genanten gnedigen heren Reden vnd mannen, dat dy vorgeanthen Carthusen, her Mattias van vchtenhaghden, Ridder, vnnnd Otto loffow, en wol thu dancke vnd thu gudem genuege betalet vnd bereydet hedden twintich schok guder bemschen grosschen vor de vorgeanthen brefe vnd ansprake vnd vor alle gerechtigkeit, dy sye darthu gehat hedden odir hebben mochten. Vnd wat vnser vorgeschreuen gnedige herre tusschen otto loffowen, den Carthusen vnd een gededinghet hedde, dat wolden sye also vul vnd all stede vnd vaste vnnvorbroken holden. Des thu rechter tuchnyse hebbe wy vnse Ingefegele wilken henghen lathen an dessen open bryff, Dye geschreben is thun Berlin, Na christi geburt vierteyenhundert Jar, darna in dem vir vnd twintichstem Jare, des nehesten Mandages na des hilgen lichams dage.

Nach dem Copialbuche des Karthäuser-Klosters, No. 33.